



Partia Demokratike

KËSHILLI KOMBËTAR

Nr. ____ Prot.

Tiranë më ____/____/2025

VENDIM

Nr. ____, Datë ____, ____, 2025

PËR MIRATIMIN E RREGULLORES MBI MODALITETET E PËRZGJEDHJES SË KANDIDATËVE NË ZGJEDHJET PËR KUVENDIN, TË 11 MAJ 2025

Në mbështetje të neneve 10, 12, 48, 53 e vijues të Statutit të PDSH-së, Këshilli Kombëtar i Partisë Demokratike, në mbledhjen e datës 12.2.2025

VENDOSI:

I. PARIME TË PËRGJITHSHME

1. Seleksionimi dhe përzgjedhja e kandidatëve zyrtarë të PDSH për zgjedhjet për Kuvendin, të datës 11 Maj, në Republikën e Shqipërisë kryhet nëpërmjet votimit të drejtëpërdrejtë të anëtarësisë së PDSH, sipas parimit "një anëtar, një votë", në përputhje me modalitetet të cilat garantojnë garën e ndershme dhe konkurrimin e lirë, shanset e barabarta midis kandidatëve, si dhe kontrollin e tyre mbi mënyrën e realizimit të këtij procesi (në vijim "Primare"),
2. Primaret, brenda Partisë Demokratike, organizohen në mënyrë periodike, sa herë që shpallen zyrtarisht zgjedhje në Republikën e Shqipërisë, përfshirë rastet e zgjedhjeve të parakohshme.
3. Primaret organizohen me votim të lirë, të fshehtë, të barabartë dhe të drejtëpërdrejtë, sipas kushteve, kriterëve dhe përcaktimeve të parashikuara në këtë rregullore.
4. Kryesia e PDSH shpall me vendim datën e primareve si dhe emëron anëtarët e Komisionit të Organizimit dhe Kontrollit të Operacioneve Elektorale (në vijim "KOKOE"), i cili, sipas parashikimit statutor, organizon dhe mbikqyr procesin zgjedhor të primareve.
5. Anëtarët e partisë ushtrojnë lirisht të drejtën e tyre të votës në primare, në përputhje me modalitetet e parashikuara në këtë rregullore.
6. Lista e votuesve në procesin e primareve u dërgohet kandidatëve zyrtarisht nga Sekretariati Organizativ i Burimeve Njerëzore, jo më vonë se 7 ditë para datës së mbajtjes së primareve.



Partia Demokratike

3. Shkelja e rregullave të parashikuara në këtë rregullore, nga cilido prej subjekteve të përmendura në të, sjell pasojë disiplinore sipas Statutit në fuqi të PDSH-së, Rregullores së Brendëshme si dhe Kodit të Sjelljes së Mirë, Etikës dhe Integritetit të PDSH.

4. Ngarkohet Sekretari i Përgjithshëm, Sekretariati Organizativ dhe i Burimeve Njerëzore, Kryesia e PDSH, KOKOE, Drejtuesit Politikë të Qarqeve, si dhe kryesitë e degëve të PDSH për ndjekjen dhe zbatimin e kësaj rregulloreje.

Kjo rregullore hyn në fuqi menjëherë.

KËSHILLI KOMBËTAR I PARTISË DEMOKRATIKE TË SHQIPËRISË



Partia Demokratike

7. Procesi i primareve për zgjedhjet për Kuvendin e Shqipërisë, si rregull, duhet të përfundojë jo më vonë sesa 5 ditë nga afati maksimal ligjor që Kodi Zgjedhor parashikon për dorëzimin e listave shumëemërore nga partitë politike ose koalicionet. Ky afat mund të reduktohet në rastet e ndryshimeve të afateve ligjore të përcaktuara në Kodin Zgjedhor.

8. Në mbyllje të primareve për zgjedhjet për Kuvend, konsiderohet i kualifikuar ai kandidat i cili merr mbështetje nga një numër votash i barabartë ose më i madh se një përqindje e caktuar votash të anëtarësisë së merr pjesë në primare, në nivel Qarku (kuota minimale).

Përqindja minimale e votave kualifikuese, për secilin qark (kuota minimale), përcaktohet sipas një përilogaritje që bazohet në numrin e banorëve, numrin e anëtarëve të PDSH në atë qark, numrin e votave të PD në zgjedhjet e fundit parlamentare dhe numrin e votuesve në zgjedhjet e brendshme të PDSH të mbajtura në 4 vitet e fundit. Kjo kuotë miratohet në të njëjtin moment që miratohet edhe lista e kandidatëve zyrtarë për primare.

9. Në rast se asnjë nga kandidatët, ose pjesa më e madhe e kandidatëve nuk e kalon kuotën minimale të përcaktuar në pikën 8, atëherë kjo kuotë mund të ulët, pa bërë përsëritjen e zgjedhjeve.

10. Pas përmbylljes së procesit të votimit, KOKOE harton listën e kandidatëve që kanë kaluar kuotën minimale nga çdo Qark dhe ja përcjell për vendim Kryesisë së PDSH, e cila bën dhe renditjen përfundimtare. Në përputhje me Nenin 12 pika 3 të Statutit të PDSH, "Lista përfundimtare e kandidaturave elektorale të PDSH-së miratohet me vendim të Këshillit Kombëtar, sipas propozimit të Kryesisë së PDSH-së".

11. Në vlerësimin, përzgjedhjen dhe renditjen përfundimtare të kandidatëve fitues, Kryesia e PDSH merr gjithashtu në konsideratë faktorë të tjerë të rëndësishëm si

- Aktiviteti dhe kontributi politik për Partinë Demokratike;
- Angazhimi në mbrojtje të vlerave dhe kauzave opozitare;
- Kontributi në procesin e regjistrimit dhe angazhimit të votuesve që jetojnë në emigracion;
- Kontributi për ruajtjen e interesit publik në çështje të rëndësishme shoqërore.

12. Me qëllim të garantimit të paanshmërisë, procesit të primareve nuk i nënshtrohen Kryetari i Partisë dhe Drejtuesit Politikë në nivel kombëtar dhe nivel qarku, përcaktuar me Vendim të Kryesisë së PDSH në mbledhjen e saj datë 4 shtator 2024, Vendimin e Këshillit Kombëtar në mbledhjen e datës 6 shtator 2024, si dhe Vendimet pasardhëse të Kryesisë së PDSH. Drejtuesit politikë në çdo Qark janë përgjegjës për organizimin e procesit të marrjes së kandidaturave dhe organizimit të Primareve në Qarqet që ata drejtojnë.



Partia Demokratike

12. Oraret e hapjes dhe mbylljes së qendrave të votimit shpallen nga KOKOE dhe ndryshojnë nëqoftëse KOKOE e shoh të arsyeshme për të mundësuar votimin sa më të gjerë të anëtarësisë së PDSH.

13. Si rregull, votimi mbyllet në orarin e përcaktuar nga KOKOE, duke u siguruar që në mjediset e qendrës së votimit nuk ka votues që presin në radhë për të votuar. Përfundimisht, nëse ka ende anëtarë të PDSH që presin të votojnë përtej orarit të caktuar për mbylljen e qendrës së votimit, Kryetari i KV mblledh dokumentet e tyre të identifikimit dhe sigurohet që kushdo që është në radhë, të ketë mundësi për të votuar. Qendra e votimit nuk mbyllet deri në përfundimin e votimit të tyre. Mbyllja e votimit shpallet më të lartë dhe pas atij momenti nuk lejohet më asnjë person tjetër që të votojë.

14. Të drejtën për votim e ka çdo anëtar i PDSH, sipas parashikimit statutor të nenit 19 pika 2.

15. Votuesi paraqitet përpara Komisionit me mjet identifikimi (kartë identiteti, pasaportë, apo patentë) dhe ia dorëzon atë për verifikim anëtarit të Komisionit që është caktuar përgjegjës për administrimin e listës së zgjedhësve. Kryetari i Komisionit pajis votuesin me fletën e votimit dhe kujdeset që votuesi të votojë në dhomën e fshehtë dhe pa asnjë ndërhyrje të jashtme.

16. Në mjediset e qendrës së votimit lejohet të qëndrojnë të ulur dhe pa penguar procesin e votimit anëtarët e KV, si dhe anëtarët e KOKOE, nëse kërkohet ndihma e tyre. Asnjë person tjetër nuk lejohet të qëndrojë në ambientet e brendshme të qendrës së votimit.

17. Kutitë e votimit, fletët e papërdorura, të dëmtuara, listat e votuesve dhe procesverbali i mbylljes së votimit administrohen nga KV.

V. MBYLLJA E VOTIMIT DHE PROCESI I NUMËRIMIT

1. Procesi i numërimit do të bëhet në një ambient të përbashkët për të gjithë Qarkun, i cili do të përcaktohet me vendim të KOKOE, 5 ditë para primareve, me propozim të drejtuesit Politik të Qarkut.

2. Pas mbylljes së votimit dhe administrimit të të gjithë dokumentacionit, KV transporton kutitë në ambientin e përcaktuar nga KOKOE për numërimin e të gjitha kutive në rang qarku.



Partia Demokratike

- a) Një kërkesë formale të kandidatit ku shpreh vullnetin e tij/saj për të marrë pjesë në primare, duke specifikuar qartë zonën ku ai dëshiron të kandidojë;
- b) CV të shkurtër profesionale dhe politike të përditësuar të kandidatit;
- c) Formularin e vetëdeklarimit të pastërtisë së figurës, sipas formatit të KQZ;
- d) Vetëdeklarim se nga data 29.11.1944 deri në 02.07.1991, nuk ka qënë anëtar ose kandidat i Byrosë Politike, anëtar i Komitetit Qendror të Partisë së Punës së Shqipërisë, anëtar i Presidiumit të Kuvendit Popullor, kryetar i Gjykatës së Lartë, Prokuror i Përgjithshëm, kryetar i Hetuesisë së Përgjithshme, anëtar i Këshillit të Ministrave, kryetar i Degës së Punëve të Brendshme, punonjës i organeve të ish-Sigurimit të Shtetit, bushkëpunëtor i ish-Sigurimit të Shtetit apo i favorizuar, anëtar i Komisionit Qendror të Dëbim-Internimeve, hetues, prokuror, apo gjyqtar në procese politike; si dhe
- e) Vetëdeklarim se ndaj tij nuk ka masa disiplinore në fuqi për shkelje të Statutit të PDSH, Rregullores së Brendshme dhe Kodit të Sjelljes së Mirë, Etikës dhe Integritetit të PDSH.

6. Pas mbylljes së fazës së dorëzimit të aplikimeve, dokumentacioni i kandidatëve për në primare merret në shqyrtim nga KOKOE. Në përfundim të këtij procesi, KOKOE i propozon Kryesisë së PDSH listën e kandidatëve që plotësojnë kriteret për të marrë pjesë në primare për secilin Qark.

III. AKSESI I KANDIDATËVE NË PROCESIN E PRIMAREVE

1. Drejtuesit Politikë dhe Drejtuesit e strukturave të Partisë, në qendër dhe në nivel bazë, kujdesen që procesi të jetë i lirë, i ndershëm dhe i barabartë, duke i mundësuar çdo kandidati në primare akses të njëjtë në garë.
2. Drejtuesit Politikë dhe Drejtuesit e strukturave të Partisë të çdo niveli, duhet të jenë asnjëherë në procesin e primareve. Ata ushtrojnë të drejtën e tyre si çdo votues, duke shmangur ndikimin mbi anëtarët e tjerë të Partisë.
3. Dita përpara datës së zhvillimit të primareve dhe data e caktuar për votimet, deri në orën e mbylljes së votimit, konsiderohet si periudhë e heshtjes zgjedhore.
4. Në periudhën e heshtjes zgjedhore nuk lejohet asnjë lloj fashate zgjedhore nëpërmjet organeve të medias, përfshirë rrjetet sociale të kandidatëve, si dhe zhvillimi i takimeve ose i veprimtarive të tjera zgjedhore të kandidatëve.



Partia Demokratike

3. Komisionet e Numërimit për çdo Qark (KNQ) përcaktohen me vendim të KOKOE.
4. Procesi i numërimit fillon pasi të kenë arritur në Qendrën e Votimit të gjitha kutitë e Qendrave të votimit në të gjithë Qarkun dhe pas njoftimit të KOKOE.
5. Numërimi bëhet në prani të të gjithë anëtarëve të komisionit dhe është i hapur për kandidatët, mediat dhe për anëtarësinë e interesuar.
6. Nëse ndonjë nga anëtarët e KNQ ka kontestim apo vëren ndonjë problematikë në procesin e numërimit, ai kontakton KOKOE dhe i shpreh shqetësimin e tij/saj. Nëse KOKOE vlerëson se është rasti, urdhëron KNQ që të pezullojë procesin e numërimit dhe i shpreh shqetësimin që ka marrë. Pas sqarimit dhe zgjidhjes së problematikës, KNQ me udhër të KOKOE vijon procesin e numërimit dhe/ose rregullon mangësinë apo problematikën që mund të jetë ngritur.
7. Në përfundim të procesit të numërimit, KNQ, plotëson procesverbalin e procesit të numërimit. Procesverbali nënshkruhet nga anëtarët e komisionit. Në këtë moment bëhet mbyllja e materialeve në kutinë e votimit nga Kryetari i KNQ dhe materialet dorëzohen pranë KOKOE menjëherë pas përfundimit të procesit.
8. Modalitetet lidhur me hartimin e procesverbalit përfundimtar të rezultateve të votimit, apo për vlefshmërinë apo pavlefshmërinë e votave, përcaktohen me vendim të KOKOE dhe i përcillet çdo KV përpara datës së mbajtjes së primareve.
9. Me hartimin e procesverbalit përfundimtar të zgjedhjeve, Kryetari i KNQ, e dorëzon atë në KOKOE, deri në orën 22:00 të datës të caktuar për zhvillimin e primareve, si dhe merr masa për dorëzimin e materialeve zgjedhore pranë KOKOE, deri në orën 13:00 të datës së nesërme.
10. Ankimet ndaj vendimeve të KOKOE për shkelje të Statutit të PDSH, i drejtohen Komisionit të Apelit dhe Vlerësimit të Statutit.

VI. DISPOZITA TË FUNDIT

1. Për çdo paqartësi lidhur me çështjet e trajtuara në këtë rregullore, kërkesat për sqarim dhe ankimet i adresohen KOKOE i cili merr rast pas rasti vendimet përkatëse.
2. Nëse gjykohet e arsyeshme, KOKOE organizon trajnime të anëtarëve të KV dhe KNQ jo më vonë se 3-ditë përpara datës së parashikuar për mbajtjen e primareve.



Partia Demokratike

IV. ORGANIZIMI I PROCESIT ZGJEDHOR

1. Organizimi i procesit zgjedhor të primareve në nivel qendror drejtohet nga KOKOE.
2. Në çdo degë të PDSH-së Procesi zgjedhor drejtohet nga Drejtuesit Politikë.
3. Në çdo degë të PDSH-së, ngrihen qendra votimi nën përgjegjësinë dhe autoritetin e KOKOE.
4. Procesi kryhet në të gjithë Qarqet, në të njëjtën ditë dhe orë, në të gjithë vendin.
5. Mjediset ku do të kryhet votimi miratohen nga KOKOE me propozim të Drejtuesve Politikë pas konsultimit të tyre me kryesitë e degëve të PD që ata mbulojnë, jo më vonë se 5-ditë përpara datës së zhvillimit të primareve.
6. Në çdo qendër votimi ngrihen Komisionet e Votimit (në vijim "KV"), të cilët përbëhet nga 3 (tre) anëtarë, të miratuar nga KOKOE, të paktën 5 ditë përpara datës së zhvillimit të primareve.
7. Fleta e votimit për procesin e primareve do të jetë sipas modelit që do të miratohet nga KOKOE, të paktën 3 ditë përpara datës së primareve.
8. Kryetari i KV nënshkruan dhe vulos çdo fletë votimi.
9. Komisioni është përgjegjës për tërheqjen e bazës materiale jo më vonë se 1-ditë përpara fillimit të procesit të votimit. Baza materiale përfshin:
 - a) fletët e votimit;
 - b) procesverbalin;
 - c) listën e votuesve;
 - d) dhomat e fshehta;
 - e) kutitë e votimit, si dhe
 - f) çdo material tjetër të nevojshëm zgjedhor.
10. Të gjithë anëtarët e KV paraqiten në qendrën e votimit një orë përpara fillimit të procesit dhe përgatit ambientin e qendrës për realizimin e rregullt të procesit të votimit. Kryetari hap zarfin me fletët e votimit dhe bën gati komisionin për fillimin e procesit.
11. Qëndrat e votimit duhet të garantojnë votimin në mënyrë të fshehtë të çdo votuesi, pa asnjë ndërhyrje nga persona të tjerë.



Partia Demokratike

II. KANDIDATËT PJESËMARRËS NË PRIMARE

1. Kandidatët e interesuar për të marrë pjesë në primaret për zgjedhjet për Kuvendin, sic përcakton Neni 12 pika 1 e Statutit të PDSH, evidentohen nëpërmjet :

- a) vetëpropozimit;
- b) propozimit nga anëtarësia; ose
- c) propozimit nga organet qendrore të PDSH-së.

2. Pavarësisht nëse një kandidat mund të propozohet për të garuar në më shumë sesa një qark, ai/ajo nuk lejohet që të aplikojë për t'u paraqitur njëkohësisht në më shumë sesa në një garë primare.

3. Kandidatët në primare për zgjedhjet për Kuvendin duhet të jenë personalitete publike me profil të lartë politik ose profesional, integritet dhe me ndikim shoqëror në komunitetin ku jetojnë e punojnë.

4. Kandidatët që duan të kualifikohen për në primare duhet gjithashtu të plotësojnë këto kritere:

- a) Të mos ndodhen në kushtet e pazgjedhshmërisë në një funksion publik, sipas përcaktimeve të Ligjit nr. 138/2015 "Per garantimin e integritetit të personave që zgjidhen, emërohen ose ushtrojnë funksione publike", i ndryshuar;
- b) Deri në datën 02.07.1991, të mos ketë qënë anëtar ose kandidat i Byrosë Politike, anëtar i Komitetit Qendror të Partisë së Punës së Shqipërisë, anëtar i Presidiumit të Kuvendit Popullor, kryetar i Gjykatës së Lartë, Prokuror i Përgjithshëm, kryetar i Hetuesisë së Përgjithshme, anëtar i Këshillit të Ministrave, kryetar i Degës së Punëve të Brendshme, punonjës i organeve të ish-Sigurimit të Shtetit, bashkëpunëtor i ish-Sigurimit të Shtetit apo i favorizuar, anëtar i Komisionit Qendror të Dëbim-Internimeve, hetues, prokuror, apo gjyqtar në procese politike;
- c) Të jenë aktiv në jetën publike, duke mbrojtur kurdoherë interesat, vlerat dhe parimet e PDSH;
- d) Të kenë dhënë kontribut aktiv në fushatat elektorale për Partinë Demokratike,
- e) Si rregull të ketë kryer arsimin e lartë;
- f) Të mos kenë në fuqi masa disiplinore për shkelje të statutit të PDSH, Rregullores së Brendshme dhe Kodit të Sjelljes së Mirë, Etikës dhe Integritetit të PDSH.

5. Çdo kandidat i propozuar dhe i interesuar për të marrë pjesë në primare apo që vetëpropozohet, duhet të paraqesë pranë Degës ose pranë Sekretariatit Organizativ dhe të Burimeve Njerëzore të PDSH, brenda afatit të përcaktuar, dokumentacionin e mëposhtëm: